



Albertus honesto loco apud Boios natus, ob insignem corporis & animi fortitudinē in magna autoritate fuit. Itaq; à Ludouico Cæsare Neostadij præfectus constitutus est. Cum autē eo tēpore duo Cæsares creati essent, atq; illi duo inuicem acie decertarent, Ludouicus ingenti clade hostes affecit, atq; memorabilem uictoriā obtinuit. potissīma laus tū penes Syfridū Schuuepermanum, & hunc Albertum extitit, qui ob truculentum in eo prælio uultum Rindmaul cognominatus fuit. In ea pugna Albertus disciplinæ militaris apud Boios peritissimus, sinistrum cornu curare iussus, Cum autem summum Boijs pericu-

lum instaret, Albertus cum suis in equitum agmen irrupit, ubi Fridericus Cæsar erat, atq; hostium cuneum perfregit. Itaq; tandem Fridericus Austriacus, ubi se solum cum paucis derelictum, atq; suas copias fusas animaduertit, deditiōnem Rindmaulio urgente fecit, à quo etiā ad Ludouicum Cæsarem, quem à se interfectum putabat, magna gloria deductus fuit. Vnde Ludouicus Alberto gratias agens, ei hunc Fridericum captum obseruandum tradidit. Hoc modo Albertus ob strenuam nauatam operam sibi & suę familię magnum nomen comparauit, anno 1321, Auent. lib. 7,